

明紅絲
欄鈔本

百

家

詞



樵歌目錄卷上

聒龍謠二首

雨中花

水調歌頭六首

桂枝香

水龍吟二首

念奴嬌七首

蘇武慢

木蘭花慢二首

洞仙歌三首

滿庭芳二首

滿江紅

風流子

望海潮

勝勝慢

芡荷香

沁園春

卜筭子慢

醉春風

踏歌

鵲橋仙六首

臨江仙八首

鷓鴣天十四首

木蘭花二首

驀山溪七首

朝中措十一首

足拍醜奴兒

醉落魄

醉思仙

感皇恩三首

杏花天三首

戀繡衾

青玉案

南歌子

蘇幕遮二首

浪淘沙三首

卷下

千秋歲

定風波

踏莎行二首

夢玉人引

一落索二首

漁家傲三首

望江南

十二時

南鄉子二首

行香子

憶帝京

桃源憶故人六首

好事近十四首

長相思二首

烏夜啼

沙塞子二首

西江月八首

減字木蘭花十七首

點絳脣五首

柳梢青六首

採桑子三首

憶秦娥四首

卜算子七首

清平樂六首

昭君怨

浣溪沙八首

阮郎歸

生查子

眼兒媚三首

訴衷情四首

菩薩蠻五首

雙鷺鵲

鼓笛令

西湖曲

風蝶令

謁金門

洛妃怨

燕歸梁

相見歡七首

如夢令八首

春曉曲

柳枝

計二百四十首

樵歌目錄畢

樵歌

朱希真

聒龍謠

肩拍洪崖手攜子晉夢裏暫辭塵字高步層霄俯人
間如許筭蝸戰多少功名問蟻聚幾回今古度銀潢
展盡參旗挂華淡月飛去天風緊玉樓斜舞萬女
霓袖光搖金縷明廷燕闕倚青冥回顧過瑤池重借
雙成就楚岫更邀巫女轉雲車指點虛無引蓬萊路

又

憑月攜簫遡空秉羽夢踏絳霄仙去花冷街榆悄中
天風露並真官藥珮芬芳望帝所紫雲容與享鈞天
九奏傳觴聽龍嘯看鸞舞驚塵世悔平生歎萬感

千恨誰憐深素群仙念我好人間難住勸阿母偏與
金桃教酒星賸斟瓊醑醉歸時手授丹經指長生路

雨中花

嶺南舊作

故國當年得意射麋圭苑走馬長秋對忽忽佳氣赤
縣神州好景何曾虛過勝友是處相留向伊川雪夜
洛浦花朝占斷狂游胡塵卷地南走炎荒曳裾強
學應劉空謾說螭蟠龍臥誰取封侯塞鴈年年北去
蠻江日日西流此生老矣除非春夢重到東周

水調歌頭

淮陰作

當年五陵下結客占春遊紅纓翠帶談笑跋馬水西
頭落日經過桃葉不管插花歸去小袖挽人留換酒
春壺碧脫帽醉青樓楚雲驚隴水散雨漂流如今

憔悴天涯何處可消憂長揖飛鴻舊月不知今夕煙
水都照幾人愁有淚看芳草無路認西州

又

白日去如箭達者惜分陰問君何苦長抱冰炭利名
心冀望封使一品僥倖昇僊三島不死解燒金聽取
百年曲三嘆有遺音會良朋逢美景酒頻斟昔人
已矣松下泉底不如今幸遇重陽佳節高處紅茱黃
菊好把醉鄉尋澹澹飛鴻沒千古共銷魂

又

和薰彌大中秋

偏賞中秋月從古到如今金風玉露相間別做一般
清是處簾櫳爭捲誰家絃管不動樂世足歡情莫指
關山路空使翠娥顰水晶盤鱸魚膾點新橙鵝黃

酒軟纖手傳杯任頻斟須惜曉參橫後直到來年今
夕十二數虧盈未必來年看得似此回明

又和海鹽尉范行之

平生看明月西北有高樓如今羈旅常歎茅屋暗悲
秋聞說吳松江上有箇垂虹亭好結友漾輕舟記得
蓬萊路端是舊曾遊 趁黃鵠湖影亂海光浮絕塵
勝處合是不數白蘋洲何物陶朱張翰勸汝橙齏鱸
膾交錯獻還酬寄語梅仙道來歲肯同不

又對月有感

天宇著垂象日月共迴旋因何明月偏被指點古來
傳浪語脩成七寶漫說霓裳九奏阿姊最嬋娟憤激
書青奏伏願聽臣言 詔六丁驅狡兔屏癡蟾移根

老桂種在歷歷白榆邊
深鎖廣寒宮殿不許嫦娥歌
舞按次守星躔永使無虧缺
長對日團圓

又

中秋一輪月只和舊青冥
都緣人意須道今夕別般
明是處登臨開燕爭看吳
歌楚舞沉醉倒金樽各自
心中事悲樂幾般情
燭摧花鶴警露忽三更舞
袖未卷已見玉繩低轉便
西傾認取眼前流景試看
月歸何處因甚有虧盈我
自閣門睡高枕笑溥生

桂枝香
兩都病起

春寒未定是欲近清明
雨斜風橫深閉朱門盡日
柳搖金井年光自起飛花
緊柰幽人雪添雙鬢謝山
攜妓黃壚貰酒舊愁慵整
念壯節漂零未穩負九江

風笛五湖煙艇起舞悲歌淚眼自看清影新鶯又向
愁時聽把人間如夢深省舊溪鶴在尋雲弄水是事
休問

水龍吟

放船千里凌波去略爲吳山留頷雲屯水府濤隨神
女九江東注北客蒼顏壯心偏感年華將暮念伊嵩
舊隱巢由故友南柯夢遽如許回首妖氛未掃問
人間英雄何處竒謀報國可憐無用塵昏白羽鐵鎖
橫江錦帆衝浪孫郎良苦但悲敲桂擢愁吟梁甫汨
流如雨

又

曉來極目同雲暖空降雪花零亂平生塵想老來俗

狀都齊驚散玉鳳凌霄素虬橫海一盃相勸任霓裳
學舞梅粧作面終不似天裁剪 正是年華美滿闌
迎春巧飛釵燕衡寒醉眼倚空長揖群仙笑粲說道
瑤池有人來報西真開宴便爭回藥珮高馳羽駕卷
東風轉

念奴嬌

見梅驚笑問經年何處收香藏白似語如愁却問我
何苦紅塵久客觀裏栽桃仙家種杏到處成疎隔千
林無伴澹然獨傲霜雪 且與管領春回孤標爭肯
接雄蜂雌蝶豈是無情知受了多少淒涼風月寄隴
程遙和羹心在忍使芳塵歇溪邊寂寞可人誰為攀
折

念奴嬌月

挿天翠柳被何人推上一輪明月照我藤牀涼似水
飛入瑤臺瓊闕霧冷笙簫風輕環珮玉鎖無人掣閒
雲收盡海光天影相接誰信有藥長生素娥新煉
就飛霜凝雪打碎珊瑚爭似看仙桂扶疎橫絕洗盡
凡心滿身清露冷浸蕭蕭髮明朝塵世記取休向人
說

又

晚涼可愛是黃昏人靜風生蘋葉誰做秋聲穿細柳
初聽寒蟬淒切旋採芙蓉重熏沉水暗裏香交徹拂
開冰簟小牀獨臥明月老去未免多情還因風景
好愁腸重結可惜良宵人不見角枕蘭衾虛設宛轉

無眠起來閒步露草時明滅銀河西去畫樓殘角鳴咽

又

老來可喜是歷遍人間諳知物外看透虛空將恨海
愁山一時按碎免被花迷不爲酒困到處惺惺地飽
來覓睡睡起逢場作戲休說古往今來乃翁心裏
沒許多般事也不鮑仙不佞佛不學栖栖孔子懶共
賢爭從教佗笑如此只如此雜劇打了戲衫脫與歎
底

又

約友中秋游長橋魏倅邦
式不預作念奴嬌柳其韻

素秋天氣是登山臨水昔人悲處我遇清時無箇事
好約鶯遷鴻翥旋整蘭舟多攜芳醞笑裏帆輕舉松

江攬月望雲飛擢延佇 別乘文雅風流新詞光萬
丈珠連錦聚恨不同遊指浩渺玉宇瓊樓相付桂子
收香蟾輝採露斲輟尊前舞絲囊封寄倩佗雙翠銜
去

又楊子安侍郎壽

臆回春近正日添宮線香傳梅驛玉律冰壺此際顯
天與奇才英識貫日孤忠凌雲獨志曾展回天力功
名由命等閑却鍛鸞翮 誰信夫子如今眠雲情意
穩風塵幾息邂逅初心得計處伊水鷗閑波碧但恐
天教經綸緣在未遂紫煙客君王圖舊看公歸覲京
國

又垂虹亭

放船縱櫂趁吳江。風露平分秋色。帆卷垂虹波面冷。
初落簫簫楓葉。萬頃瑠璃一輪金。鑑與我成三客。碧
空寥廓。瑞星銀漢爭白。深夜悄悄魚龍雲旗收。暮
靄天光相接。瑩澈乾坤全放出。疊玉層冰宮闕洗盡
凡心。相忘塵世。夢想都銷。歌。胃中雲海浩然酒浸明
月。

蘇武慢

枕海山橫陵江潮去。雉堞秋風殘照。閑尋桂子。試聽
菱歌。湖上晚來涼好。幾處蘭舟採蓮。游女歸去。隔花
相惱。奈長安不見劉郎已老。暗傷懷抱。誰信得舊
日風流。如今憔悴。換却五陵年少。逢花倒趄。遇酒堅
辭。常是懶歌慵笑。除奉天威掃平狂虜。整頓乾坤都

了共赤松攜手重騎明月再遊蓬島

木蘭花慢

折芙蓉弄水動玉佩起秋風正柳外閒雲溪頭淡月
映帶踈鐘人間厭謫墮久恨霓旌未返碧樓空直與
時人度日自憐懷抱誰同當時種玉五雲東露冷
夜耕龍念瑞草成畦瓊蔬未採人照哀容誰知素心
未已望清都絳闕有無中寂寞歸來隱几夢聽帝樂
冲融

又和師厚和司馬文季虜中作

指滎河駭嶽鎖胡塵幾經秋歎故苑花空春游夢冷
萬斛堆愁簪纓散關塞阻限難尋杏館覓瓜疇悽慘
年來歲往斷鴻去燕悠悠拍幽化碧海西頭劔履問